

la viktor medranos cu finti la'e lu le viktor
zei daplu li'u

ni'oni'o coi rodo i mi'e viktor medranos i mi
pu jbena fo la pilipinas i mi ca zvati le
kadno i lo grute zo'u mi xagji lo rutrkoko e
lo rutrsizigi'u e lo rutrduriani i la za'e xobis
zo'u mi djica lo runbau e lo kensa e lo ba'e
cidja i lo mi se klama zo'u lo gugde cu
so'ime'i i ne'i loi dilnu mi daplu pe'a

ni'o le citri zo'u mi co'a lo 1966.01.12moi
co'u 1976.06.15moi zvati la pilipinas i mi
co'a lo 1976.06.16moi co'u 1992moi zvati le
kadno i mi co'a lo 1992moi co'u 1994moi
zvati le ponjo i ne'i lo 1994moi mi zvati le
merko i co'a lo 1994moi mi zvati le kadno i
ne'i la pilipinas mi pu zvati le kezon ze'i
tcadu to ne'i la manilias ze'i gugypau toi e la
iba'an to ne'i la batangas ze'i gugypau toi i

ne'i le ponjo mi pu zvati la tokios i sa'e mi
cu xabju la ioiogis ne'i la xibuiakus vi la
xinjukus i ne'i le merko mi pu zvati la
redmond to ne'i la uacintyn toi i ne'i le
kadno mi pujeca zvati le lulus zeidaplu e la
vankuver ne'i la bycys

ni'o le gunka zo'u mi cu samru'e ciska

ni'o le lijda zo'u mi cu ruxyjda to la
animizm toi je budjo co'a lo verba i ku'i le
mi lanzu cu xrisrkatoliki je xrisrbaptisti ja
xrisrpentekosta

ni'o mi pu 6moi tarbi ne'i le mi lanzu i ku'i
mi ca 2moi jmive panzi i le 1moi 4mei tarbi
cu morsi

ni'o mi pu klama lo 25 gugde noi xazdo je
ropno je frico je bemjoitco

ni'o mi prami lo ba'e xanri

ni'oni'o la pilipinas cu xazdo gugde vi le
baxso to le meljo a le bindo toi i glare
timymo'a i zasti fa lo badna e lo rutrkokko e
lo rutrpaupau

ni'o lo daplu zo'u so'ime'i i semau 7100me'i

ni'o lo prenu cu so'ime'i je ji'i 100ki'oki'ome'i

ni'o le lijda zo'u le xrisrkatoliki cu ba'e
so'ime'i i le muslo cu so'ome'i i le
xrisrxaglipaiani e le xrisrxiglesianikristo e
le xrisrdjexovasuitnesi e le xisrmormoni cu
so'ime'i i le budjo e le dadjo cu so'ome'i

ni'o le bangu zo'u so'a le prenu cu tavla
kakne bau le bangrtagaloga noi
bangrxaustronesia i ne'i la pilipinas lo
bangrxaustronesia cu semau 165mei i le
glico tcidu kakne prenu cu so'ime'i i le spano
tcidu kakne prenu cu so'ime'i i le
bangrtcabakano cu spano bangrkreiolo ne'i
la pilipinas ne'i le 6 tcadu poi me la
zambouangas e la davaus e la ternates e la
kavites e la kotobatos e la ermitas i le jungo
bangu zo'u so'u le prenu cu tavla bau le
jungrxoki'eni

ni'o le barda ralju bo tcadu cu me la
manilias ne'i le luZON zei daplu i lo tcadu
prenu cu so'ime'i i semau 10ki'oki'ome'i

ni'o le prenu mixre zo'u lo prenrxaustronesia
to lo baxso toi cu so'ime'i i ne'i le prenu

mixre zo'u lo spano je jungo jgina cu so'ime'i i
lo drata prenu jgina cu zasti

ni'oni'o le mi tcidu cukta zo'u so'ime'i i le mi
nelrai finti zo'u so'ime'i i zasti fa la jyryrys
tolkien e la ursulias kys lys guin e la oliaf
steipldyn e la frank xerbert e la tys lobzan
rampas e la pirs antonis e la aizak azimov e
la tovys ianson e la artur cys klark e la an
mykafri e la robert xeinlein e la samuel
deleinis e la reis bradbyris i mi cu prami le
skefi'a e le makfa cfika

ni'o la'e lu la silmarilion li'u cu nelrai se
finti la jyryrys tolkien

ni'o la'e lu le prula'i remna e le 1moi remna
li'u cu nelrai se finti la oliaf steipldyn

ni'oni'o zasti fa le saske e le makfa i xu ri cu
drata

ni'oni'o la viktor medranos cu cfagau le vi se
finti ne'i lo 2011.11.21moi i le vi se finti
prula'i bo te galfi zo'u me lo 2011.11.27moi